

《修持淨土法門的基本認知》 補充講表

◎附表五：《維摩詰經》·佛國品云：「若菩薩欲得淨土，當淨其心，隨其心淨，則佛土淨。」

○彌陀之所以為彌陀者，深證其唯心（極樂）自性（彌陀）也；

宗喀巴大師於《菩提道次第廣論》云：「圓滿布施波羅蜜，不待於他捨所施物，捐除眾生所有貧窮。若不爾者，現有眾多貧乏眾生，過去諸佛所行布施，當非究竟，是故身語非為主要，唯心為主。謂自所有身財根善，一切慳執皆悉破除，至心施他。

又非唯此，即諸捨報，亦施有情。由修此心到極圓滿，即滿布施波羅蜜多故。」

《大乘起信論》云：「以知法性（真如）體無慳貪故，隨順修行檀波羅蜜。」

○二、他宗修持，必須斷惑證真，乃可了生脫死。

《佛說阿彌陀佛經疏鈔》卷第一云：「念佛一門，最為方便，略陳有四：一、不值佛世，得常見佛方便。二、不斷惑業，得出輪迴方便。三、不

修餘行，得波羅蜜方便。四、不經多劫，得疾解脫方便。」

《靈峰宗論》卷四之一云：「真能念佛，放下身心世界，即大布施。真能念佛，不復起貪瞋癡，即大持戒。真能念佛，不計是非人我，即大忍辱。真能念佛，不稍閒斷夾雜，即大精進。真能念佛，不復妄想馳逐，即大禪定。真能念佛，不為他歧所惑，即大智慧。」

○七、容易成就：一心而念，不須開悟證果。

《靈峰宗論》卷二之三（示明西）云：「出三界火宅，有橫豎兩塗。以自力斷惑超生死者，名豎出三界，事難功漸。以佛力接引生西方者，名橫超三界，事易功頓。遠祖云：功高易進，念佛為先。經云：末世億億人修行，罕一成道，惟依念佛可得度脫。如趁船渡海，不勞功力。夫能篤信西方捷徑，至誠發願，一心念佛求往生者，真大丈夫矣。儻信不真，願不切，行不力，佛雖大慈為舟，如眾生不肯登舟，何哉！」

○十一、自力難、二力易：自他不二。

《大佛頂經文句》卷五云：「問曰：但念他佛，得非心外取境耶？答曰：圓人熾然但念他佛，了知他佛不離自心。權乘縱未了達自心，究竟心外決無別佛。故此念佛三昧，若迷若悟，皆可共遵。迷者遵之，則不假方便，自得心開；悟者遵之，則自他不二，始覺合本矣。名為三昧中王，不亦宜乎！」